

定位、如休門天蓬屬坎之類、此一定不易者、其在天盤、則隨直符使所指、與地盤參錯、相值而吉凶生焉、乙爲日奇、丙爲月奇、丁爲星奇、三奇若遇休開生三門、謂之奇與門合、休一在坎、屬水、開六在乾、屬金、生八在艮、屬土、卽曆家所謂三白也、又八詐門者、直符、騰蛇、太陰、六合、勾陣、朱雀、九地、九天、是也、此直符隨九星直符所指、陽則順旋、陰則逆轉、其中九天、九地、六合、太陰、爲吉、若得奇得門、而又直此四位、是爲全吉、然又有反吟、伏吟、休囚、旺相、擊刑、迫制之類、不可不察、神而明之、變而通之、存乎其人耳、

〔日本書紀二十八〕元年六月甲申、及夜半、到隱郡、焚隱驛家、因唱邑中曰、天皇入東國、故人夫諸參赴、然

一人不肯來矣、將及橫河、有黑雲、廣十餘丈、經天、時天皇異之、則舉燭親乘式占曰、天下兩分之祥也、然朕遂得天下歟、卽急行到伊賀郡、焚伊賀驛家、還于伊賀中山、

○按ズルニ、乘式占トハ、其遁甲式ナルヤ否ヤ明ナラズト雖モ、上文引ク日本書紀ニ、天皇天文遁甲ヲ能ストアレバ、姑ク此ニ掲グ、

〔十駕齋養新錄十七〕奇門。

奇門之式、古人謂之遁甲、卽易八卦方位、加以中央、與乾鑿度太一下行九宮之法相合、史記龜策傳載、宋元王召博士衛平、語所夢、衛平乃援式而起、仰天而視、月之光、觀斗所指、定日處鄉、規矩爲輔、副以權衡、四維已定、八卦相望、視其吉凶、介蟲先見、乃對元王曰、今昔壬子、宿在牽牛云々、此遁甲式也、日在牽牛、冬至之候、蓋冬至後、壬子日庚子時、子爲夜半陽遁第一局、甲午爲旬首、在巽宮、杜門爲直使、時加子、子爲玄武、故云介蟲先見也、規矩權衡、謂坎離震兌四正之位、漢書魏相傳、東方之神執規、司春、南方之神執衡、司夏、西方之神執矩、司秋、北方之神執權、司冬、是其義也、加以四維、故云八卦相望也、

〔奇門遁甲元機〕遁甲法

昔大撓造甲子、推天地之數、風后演遁甲、究鬼神之奧、極天幽隱、遁之謂歟、以六甲儀、以直符、以二十四氣爲式局、六代貴神攸處、凡王師討伐、料敵制勝、不難掌握之內、參合天人之理、則虧軻者鮮矣、因